



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Ornatvs.

urn:nbn:de:hbz:466:1-30427

sunt suspensi manifestè, propter aliorum ordinationes, tunc eorum subditi sine horum licentia possunt à vicinis Episcopis ordinari. in d. c. eos. & c. 1. de temp. ord. li. 6. De vltimontanis ordinatis ab Italico Episcopo, & e contra supra, Irregularitas. §. 81. satis sit dictum.

ORDINANS ad ordines sacros ante legitimam aetatem, est suspendendus à collatione ordinum, & sic ordinatus ab executione ipsius ordinis, vsque ad aetatem legitimam, secun. d. Ant. in ca. vel non est. de temp. ordi. arg. cle. generalem. de aetate & qua. or. & peccat si ante legitimam aetatem exequatur. non tamen sit irregularis, nisi prius suspendatur, sicut de iure debet suspendi. supra. Irregularitas. §. 82. Aetas. §. 1.

EPISCOPVS qui renuntiavit loco taurum, si rogetur à proprio Episcopo, potest ordines conferre: si autem renuntiavit loco, & dignitati, potest tantum minores conferre. supra, Irregularitas. §. 79.

NON possunt ordinari ad sacros ordines, nisi vsum rationis habentes, secun. Tho. 4. sent. d. 2. §. a. 1. q. 2. bene tamen ad ordines minores, De aetate autem requisita ordinandis, supra, Aetas. §. 1. Bigami prohibentur. supra Bigamus. §. 4. Solenniter poenitentes, c. ex poenitentibus. d. 30. Neophiti. d. 48. c. quoniam. Obligati curiae. d. 31. ca. 1. De seruis, & corpore vitiatis, vide in suis titulis. De illegitimè natis, in ver. illegitimus. §. 1. cum quibus dispofetur, supra. Beneficium. §. 28. vsque 34. Peregrini ignoti, non sunt ordinandi. in c. nullus. de aetate & qua. or. lib. 6. Hermaphrodita. supra. eo. tit. §. 1. Infames, supra infamia. §. 7. Irregulares, suspensi, excommunicati, vide in suis titulis. Interrogandi sunt ergo ordinantes, si huiusmodi scienter admiserunt: si seruauerunt quae sunt in suis pontificalibus, si non contulerunt gratis. Ordinati verò, si in peccato mortali receperunt, an ante debitam aetatem, sine licentia sui superioris: quia in omnibus mortale videtur, & cetera.

ORDINVM collationem non potest denegare episcopus existenti in dignitate, & beneficio, alio non existente impedimento. c. ex tuarum tenore. de temp. or. sicut potest secularibus, & regularibus, quibus non tenetur. c. ad aures. de temp. ordi. imò sine licentia sui praelati tales non possunt promoueri ad ordines, & sic loquitur d. ca. ad aures.

ORGANVM.

ORGANORVM vsum in ecclesia est licitus, licet Romana ecclesia coram pontifice eis non vtatur. non tamen licet inter diuina in eis canere, vel pulsare seculares cantus, vel plausus, aut turpes, & amatorias cantilenas, & est mortale, secun. Caiet. ibi. in summa. Est enim contrarium diuino officio, cuius est excitare deuotionem, & tales cantus excitant ad turpia, vel vana. Si militer qui tales conducunt sonatores, & consentiunt eis in hoc, possent hi aliquo modo excusari, quando crederent non esse prohibitum, cum in alijs ecclesijs sic fieret. Sed à sono turpium, nulla ignorantia excusat: quia statim continet contrarietatem ad solennitatem Christi, secundum Caieta. ibi, in summa, supra, Cantus. §. 4.

ORNATVS.

ORNATVS exterior mulierum, ac virorum, solet multipliciter esse peccatum. Primo, ex fine malo, qui si sit mortalis, & ornatus erit mortalis: vt si fiat ad prouocandum aliquam personam, non coniugem, ad lasciuia, si sit venialis, vt pro aliqua vana gloria, erit & venialis. Secundo, quando ponitur in hoc tanta sollicitudo, vt praetermittantur necessaria ad salutem, vt missa, tunc est mortale. Tercio, si sit contra legem obligatiuam ad mortale, quae potest cognosci, secun. Caietan. ibi, in summa, ex poena, vt si esset sub poena excommunicationis, & ita seruaretur, esset mortale. Si verò legis levis est poena, & deficit contemptus, non erit mortale: sicut si adesset contemptus, si verò sit contra consuetudinem, quae non transferit in legem.

G 4 com.

communiter est veniale, q. si consuetudo transferit in legem, sine poena, & delicti contemptus, est veniale. Quarto ex qualitate. vt quando habitus est indecens, vel minus honestus, vt quando ostendunt pectus, & huiusmodi, si delicti mala intentio, non videtur mortale, posset tamen esse ita inhonestus, quod ex eo personae scandalizarentur, & esset mortale, quia daretur alijs materia scandali. Quinto, ex furo, quod communiter veniale est, nisi aliud adiungatur. Potest etiam fieri fucatio sine peccato, vt cum celatur turpitudine ex aliquo accidente proueniens, vel ex aliqua rationabili causa. Sexto, ex nimia preciositate ornatus in annulis, torquibus, & huiusmodi, ultra conditionem personatum. nam quod est nimis preciosum ciui, non erit comiti, & hoc communiter est veniale. Septimo, ex scandalo, vt cum quis ornatur se, vt ab alio inhoneste appetatur, mortale est: quia dat occasionem peccandi, cum mala intentione. Si non habet malam intentionem, neque propter hoc ornatur se, vel hoc facit vt proprio marito placeat, vel propter alium respectum, qui non est peccatum mortale, non mortaliter agit, etiam quod multi peccent eam personam appetendo, & ipsa sciat se appeti, hoc enim est scandalum tantum passivum in ea, secundum Caiet. ibi, in summa. Non enim rei illicita dat operam.

² **P**ORTARE capillos mortuorum, & huiusmodi, dummodo delicti superstitio, & mala intentio, etiam quod sit ibi vanitas, non est mortale peccatum. ³ **A**LI QVI dicunt, quod licet mulier non intendat ruinam alicuius ex suo ornatu, tamen cum aduertit quod aliqui prouocantur ex hoc, non debet se illis offerre, & quotiens se offert, mortaliter peccat, quod est valde durum: ideo videtur melius dicendum, quod si ex parte mulieris non est intentio ad prouocandum, nec sibi placet quod prouocentur ad peccatum, licet placet ei quod laudatur, vt pulchra: si vana superfluitate, & furo ornet se, non pro-

pterea mortaliter peccat: quia alij peccant ipsam amando turpiter, non enim dat occasionem, sed illi accipiunt, secundum Caiet. supra. Sicut qui credit multos sibi desiderare mortem cum vident ipsum, propter hoc non potest exire domum, & ad alia negotia. Sicut & Christus, sciebat multos debere scandalizari de verbis sacramenti eucharistiae, & tamen hoc non obstante, protulit verba. Neque propter prodigalitem est mortale, nisi secundum quod prodigalitas ipsa mortalis est. Vide Caiet. secunda secunda, q. 169. & infra, Scandalum. §. 3.

OSCVLVM.

¹ **O**SCVLVM tripliciter potest considerari, secundum se solum, & sic non est peccatum: unde inuice osculamur ex amicitia, & consuetudine, sine peccato. Secundo, potest fieri propter delectationem sensitiuam, ordinatam ad aliquem actum peccati mortalis, & tunc est mortale, ex intentione osculantis extra matrimonium. Tercio, potest fieri ex delectatione sensitiua tantum, non ultra progrediendo, & sic etiam mortale est: quia actus venereus est ex se. Huiusmodi autem oscula extra matrimonium facta ob delectationem, & non ex beneuolentia, vel consuetudine, mortalia sunt, secundum Caiet. ibi in summa, supra, Impudicitia §. 1. quidam tamen aliter sentiunt, & male, & c.

² **M**VLIER aduertens se osculari consanguineo secundum mortem patriae, sed tamen libidinose, non peccat, etiam quod non renuat, sed tantum ille, qui malam habet intentionem, imo male ageret negando publicum signum amicitiae, secundum Thom. secunda secunda. q. 15. a. 4. Intellige praedicta si principaliter fiunt propter delectationem: quia talis delectatio est infra latitudinem venereorum mortalium.

PACTVM.

¹ **P**ACTVM est duplex, scilicet vestitum, & nudum. Vestitur autem sex modis, re, verbis, literis, consensu, cohaerentia, & interuentu rei, vt cum dicitur.